



# Презе КОММУНИСТ

## Виян лийже советский авиаций!

### АВИАЦИЙ КЕЧЕ—ПҮТЫНЬ КАЛЫКЫН ПАЙРЕМЖЕ

Ик элыштат мемнан элысе семын авиаций массын кугу йоратымашыж дене да вниманийже дене огеш пайдалане. Мемнан дене авиаций кече—пүтын калыкын пайремже лийын шога.

Авиаций кечын геройжо-шамыч—Ленин - Сталин партияын, советский правительствын да личне Сталин йолташын ончен куштымо славный летчик, виян авиационный промышленностьын пашазе, инженер, конструктор да техникше-шамыч улыт.

Советский авиацийын задачиже—чыла дечын мундүрк, писын да кұшк чонештен кертше самолет-шамычым ышташ. Советский авиационный завод-шамыч тиде задачым сайын шуктымыштым ончыктенит. Мундүрк тура чонештымаште мировой рекорды советский летчик-шамыч—Советский Союзын Геройжо-шамыч Громов, Юмашев да Данилин йолташымт ыштеныт, Советский Союзын славный Геройжо - шамычын лұмыштым Чкаловым, Байдуковым, Беляковым, Во-

допьяновым, Молоковым, Алексеевым да моло летчик-шамычымат советский калык раш пален шога.

Шукерте огыл пүтын калык Советский Союзын Геройжо-шамычын Владимир Коккинаки ден Александр Бряндинскийын Москва гыч Владивосток районш, адак кум летчица-шамычын—Полина Осипенко, Вера Ломако да Марина Раскован гидросамолет дене Севастополь гыч Архангельскыш геронический чонештымыштым кугу куан дене ончен.

Мемнан элыште авиаций миллион егын пашаже лийын. Авиационный спорт—советский молодежын эн йоратыме спортшо. Мемнан элын кумда территориыйштыже пеш шуко аэроклуб-шамычым ыштыме. Тужем дене шемер-шамыч производство гыч кұрылде летный искусствым овладеватлат, парашютизм да планеризм дене занима-лат. Йоча-шамыч коклаште авиамоделизм паша кумдан шарлен.

Осоавнахимовский организация - шамычын задачишт—советский патри-

тизмын уло вийжым выражатлыше тиде кумда да кугу калык движенийлан эреак полшен шога.

Мемнан славный советский летчик-шамыч социализмын кугу задачиже-шамычлан служитлат, социалистический родина верч пенгыдын шога, пүтын человечествын культурный пашаже верч служитлат.

Фашистский варвар кашакын авиацийже кугун ойыртемалт шога. Фашистский авиаций Испанийыште, Абиссинийыште, Китайыште аралалтдыме ола-шамычым, мирный населенийым—удрамыш, шонго, йоча-шамычым явлыкла бомбардироватлымышт дене палз улыт.

Мемнан авиаций тыныс паша да элын кумдан пелдшашыже верч служитла, во тушман мемнан мланде умбаке кержалташ тунгалеш гын, сарын грозный жапыште мемнан летчик-шамыч тушман кашак умбак уло вийышт дене, уло технический моштымышт дене шкеняштын личный храбростышт дене да куатле патриотизмышт дене нуным, шырпын кырен шалатат.



### Ме—шуддыран тукум

Октябрь эрдене шочална у кечын,  
Ме таче каваште вет летчик, пилот.  
Ме лекна мур дене эр южым лош шелын,  
Кузе чонештале мемнан самолет!

Каваш кұзышна ме пропеллер мур дене,  
Ший кече саламлыш унаж гай мемнам.  
Тый, кече, йыр чұкк, йыр воштыл, кеч вұкк  
Эрла кұзена ме эше кұш тұшкан.

Ме первой лишемна тый декет, ший кече,  
Ме первой тўняште рекорд ден лекна.  
Ме шўдб тўжем ден улына—юж пече,  
Ме—шуддыран тукум рвезе элнан.

Вот ўдыр полмезе пеш кұшыч каваш гыч  
Пасуш парашют ден кузе сай вола.  
Нўлтеш кеч кўн кумыл ончен шогыма гыч,  
Вет ўдырын тўсшў рекорд ден йолга.

Мемнан Осипенко, Раскова, Ломако  
Вўдат самолетым йўршеш орелла.  
Тўжем дене кушкыт тыгай герой-шамыч  
Саклаш шерге элым шўмбел авала.

Мемнан эл умбаке тушман тарвана гын,  
Кеч кұшыч, кеч ўлыч, кеч вўд гыч садак,  
Ме кўртнў шеренгыш чылан тўр шогалын  
Ударым пуаш каена гад умбак!  
ВАСЯ РОЖКИН.

### Комсомолец-шамыч инициативым ончыктат

Хлебниково МТС-ын комбайнер ден штурбальный-шамыч производственный совешанеш 1988 ийыште урожайым погымо нерген СССР Совнаркомын да Косолоп МТС комбайнер-шамычын письмаштым лончылымек, урожайым сайкачестве дене кұчык жапыште поген налашлан республиканский комбайнер-шамыч дене пырля соревнованийыш ушнышт.

Марий-Турек МТС-ысе комбайнер-шамычын социализацийыш ушнаш

ужмыштым приматлен, кажне комбайнер 15 кече жапыште ик „Коммунар“ комбайн дене 450—500 гектар деч шагал огыл шурным поген налаш налме обязательствыштым сайын шуктат.

Социалистический соревнований шарымаште комсомолец комбайнер-шамыч Кротова, Стяжкин йолташымт инициатор лийын шога. Нуно моло комбайнер-шамычым стахановский пашаш шупшыт.

Фавстов М.

### ХАСАН ЕР РАЙОНЫСО СОБЫТИЙЛАН

СССР ден Японий военный представитель-шамычын тевий 11 августышто первой вашлийме годым тыге каласыме ыле: 11 август 13 шагатат 30 минутышто (вересе жап дене) боевой действий чарнымым ончыде, японский войска часть перемирий верген келшымашым пудуртен да, перемирий дене пайдаланен 100 метрлан ончык пурен да Заозерный (Чанкуфья) высотан Северный Каса ужашыжым налын. СССР военный представитель-шамычын протестыштым да японский войскам ончычсо позицийышкыже кызытак вангайме нерген вунун требоватлымыштым ончыде, японский военный представитель-шамыч тиде законный требованийым шукташ категорически отказанит. Ончыктымо верыште кок могырымсо войскажат 4—5 метр мартелиа чакемыныт да вооруженный столкновений кеч могай жапыштат стихийно угыч тарванен кертеш ыле, савдене кок могырымсо военный представитель-шамыч ваш-ваш кажне могырын войскажым тиде участкыште 80 метрлан мўнгеш чакнен вангайш верешак келшешыт. Тидын нерген донесенийым налмек

Дальный Востокусо военный командований перемирий верген ыштыме келшымаш дене келшышын мемнан часть-шамычым тиде марте, 10 август 24 шагатлан занимагыме позицийышкыш кызытак пўртылымб нерген, японский войскам вангайш японский представитель-шамыч деч требоватлаш указаний дене распоряженийым пуэн. Тиде распоряженийым мемнан командований тунамак шуктен.

Тиде жапыштак иностранный паша Калык Комиссар Литвинов йолташ Японий посол г. Сигемицулан японский войскам перемирийым тиде пудуртымашкыже ончыктен, тиде участкыште тудым 100 метр деч шагал огылдан чактарен вангайш требоватлен, тиде ок шуктат гын, СССР правительство Японийын такше дене перемирийым пудуртымылан шотлаш тунгалеш манын шижтарен.

Кызытсе жаплан японский войска кұшнў ончыктымо пункт деч чактарен вангайлаштын.

12 ден 13 августышто СССР ден Японий военный представитель-шамыч угыч вашлийыныт, кок могырымсо войскажынат расположенийыштым уточнитленит.

Туге гынат, кок могыр войскажынат расположенийыштым фиксироватлыше протокол ден картым подпистатлаш 13 августышто СССР военный представитель-шамычын предложенийыштан японский военный представитель-шамыч тидым ышташ отказатленит, шкенан высший начальстве деч указанийым вучена да, очыви, тидлан утларак авторитетный комиссий толеш манын каласенит.

Тидын дене кок могыр военный представитель-шамычмат ойырлен каенит.

14 августышто у вашлиймаш лийын огыл.

Конфликт районшты кызыт шып.

13 августышто японский военный представитель-шамычын предложенийышт да СССР военный представитель-шамычын келшымышт почеш колышо ег кап-шамычым ваш-ваш вашталтымаш лийын.

Командованийын шотлен налмыже почеш советский могырышто колышо 236 ег да сусыргышо 611 ег лийын.

Мемнан командованийын аклымыже почеш, японский войскам йомдарымашыже: колышо 600 ег марте да сусыргышо 2500 ег марте шуэш. (ТАСС).



## Первой созыв СССР Верховный Советын кокимшо Сессийже

### Союз Советын 1938 ий 14 августысо заседанийже

14 августышто, 11 шагат кечывалым, СССР Верховный Советын Заседаний залыштыже, Кремльште, Союз Советын нылымше заседанийже лийын.

Союз Совет председателын заместительже депутат Т. Д. Лысенко председательствоватла.

Ончышаш паша радамыште—1938 ийлан СССР-ын единый государственный бюджетше нерген доклад почеш прений.

Прений пытымек Союз Совет докладчик—СССР Финансе калык комиссар А. Г. Зверев йолташын да содокладчик—Союз Совет Бюджетный Комиссий председател депутат И. И. Си-

доровын кошартыш мутыштым колыштеш.

Варажым Союз Совет 1938 ийлан СССР-ын единый государственный бюджетшым голосоватлымашке да пенгыдемдымашке кусна.

Профсоюзлаште пашамыштыше депутат - шамыч группо лум дене депутат К. И. Николаева СССР-ын единый государственный бюджетшым социальный страхований бюджетым зачислитлаш предложенийым пуа.

Союз Совет тиде предложенийым единогласне приниматла.

Союз Совет постатейне лудмо порядке дене „1938

ийлан Советский Социалистический Республик-шамыч Ушемнын единый государственный бюджетше нерген Законом“ статьяшамыч дене, а варажым тичмашын единогласне пенгыдемда.

Депутат А. П. Заликинын предложенийже почеш Союз Совет пунчалым луктеш—„СССР, союзный ден автономный республик-шамычын судоустройствышт нерген Положений“ проект нерген докладым Союз Совет ден Национальность Советын пырля заседаниешым колышташ.

Тидын дене Союз Совет кокимшо Сессийын нылымше заседанийже петырна.

### Национальность Советын 1938 ий 14 августысо заседанийже

14 августышто, 6 шагат кастене, СССР Верховный Советын Заседаний залыштыже, Кремльште, Национальность Советын нылымше заседанийже лийын.

Национальность Совет председател депутат Н. М. Шверник председательствоватла.

Ончышаш паша радамыште—1938 ийлан СССР-ын единый государственный бюджетше нерген доклад почеш прений.

Прений пытымек Национальность Совет докладчик—СССР Финансе Калык Комиссар А. Г. Зверев йолташын да содокладчик—Национальность Совет Бюджетный Комиссий председател депутат И. С. Хох-

ловын кошартыш мутыштым колыштеш.

Варажым Национальность Совет 1938 ийлан СССР-ын единый государственный бюджетшым голосоватлымашке да пенгыдемдымашке кусна.

Профсоюзлаште пашамыштыше депутат - шамыч группо лум дене депутат П. Г. Москатов СССР-ын единый государственный бюджетшым социальный страхований бюджетым зачислитлаш предложенийым пуа. Национальность Совет тиде предложенийым единогласне приниматла.

Национальность Совет постатейне лудмо порядке дене „1938 ийлан Советский

Социалистический Республик-шамыч Ушемнын единый государственный бюджетше нерген Законом“ статьяшамыч дене, а варажым тичмашын единогласне пенгыдемда.

Депутат П. А. Вершковын предложенийже почеш Национальность Совет пунчалым луктеш—„СССР, союзный ден автономный республик-шамычын судоустройствышт нерген Положений“ проект нерген докладым Союз Совет ден Национальность Советын пырля заседаниешым колышташ.

Тидын дене Национальность Совет кокимшо Сессийын нылымше заседанийже петырна.

### Союз Совет ден Национальность Советын 1938 ий 15 августысо пырля заседанийже

15 августышто, 11 шагат кечывалым, СССР Верховный Советын заседаний залыштыже, Кремльште, Союз Совет ден Национальность Советын кокимшо пырля заседанийже лийын.

Национальность Совет председател депутат Н. М. Шверник председательствоватла.

Сессийын овчышаш паша радамышын кокимшо пунктшо почеш „СССР, союз-

ный ден автономный республик - шамычын судоустройствышт нерген Положений“ проект нерген доклад дене СССР Юстиций Калык Комиссар Н. М. Рычков йолташ выступатлен.

### Союз Советын 1938 ий 15 августысо заседанийже

15 августышто, 2 шагат кечывалым, СССР Верховный Советын заседаний залыштыже, Кремльште, Союз Советын визымше заседанийже лийын.

Союз Совет председателын заместительже депутат Т. Д. Лысенко председательствоватла.

Союз Совет ончышаш паша радамышын кокимшо пунктшо почеш—„СССР, союзный ден автономный республик-шамычын судоустройствышт нерген Положений“ проект нерген Законодательный предположений Комиссий член депутат Ф. В. Шагимардановын содокладшым колыштеш.

Пренийште СССР Верховный суд член И. Т. Голяков йолташ да депутат З. А. Андреева (Чебоксарский округ, Чувашский АССР) выступатлен.

### Национальность Советын 1938 ий 15 августысо заседанийже

15 августышто, 6 шагат кастене, СССР Верховный Советын заседаний залыштыже, Кремльште, Национальность Советын визымше заседанийже лийын.

Национальность Совет председател депутат Н. М. Шверник председательствоватла.

Национальность Совет ончышаш паша радамыш кокимшо пунктшо почеш—

„СССР, союзный ден автономный республик-шамычын судоустройствышт нерген Положений“ проект нерген Национальность Совет Законодательный предположений Комиссий председател депутат П. А. Тюркинын содокладшым колыштын.

Пренийште депутат М. В. Горбачев (Соронский округ Карельский АССР),

РСФСР Юстиций Калык Комиссар Я. П. Дмитриев йолташ, депутат-шамыч Г. Н. Бажулин (Гармский округ, Таджикский ССР), В. Д. Ефремов (Севастопольский округ, Крымский АССР), С. Д. Ионычев (Геокапский округ, Туркменский ССР), РСФСР Верховный Суд председател А. П. Солодилов йолташ да молат выступатлен.

## У-ТОР'ЯЛ РАЙКОМ ОБКОМ ПЛЕНУМЫН РЕШЕНИИЖЫМ НАЧАР РЕАЛИЗОВАТЛА

У-Тор'ял комсомольский организацийште пропагандистский пашам пугырак начар шындыме, манын ВЛКСМ Маробкомын IV-ше пленумжо палемдыш. ВЛКСМ Тор'ял райком тыжечын политический выводым ышташыже, пленумын решенийжым ылышыш пуртымашке пугыныш комсомольский организацийым мобилизоватлашыже кулеш ыле.

Но Тор'ял районысо комсомольский руководителшамыч тыге ыштен огытыл. Викал каласаш кулеш, нуно IV-ше пленумын решенийжым умбач гына умленет. Санденак пленум решенийжым тунеммаште формальность кугу верым налын шога.

Райкомын пашажым умбач гына ончалаш гын, нимогай пашат ок ышталт маваш ок лий. Райком первичный организаций - шамычлан полшаш райцентр гыч 12 комсомолецым колтен. Нунын чылаштымат райком бюрош утвердитлыме да инструктажым пумо. 45 организаций гыч 17-ше август марте пленумын решенийжым 29 организацийште лончылымо, но протоколым райкомыш пеш шагал организаций-шамыч колтенет.

Райкомын пашажым качестванный могыр гыч ончалаш гын, нимогай йордым суретым ужаш лиеш. Шуко комсомольский организацийлаште комсомольский погынымаш - шамыч йоршеш ямдылалтде, критике ден самокритик деч посна эртат. Ятыр организацийлаште лончылымо вопрос почеш общий, нигем мобилизоватлыдыме решений-шамыч лукталтын. ВЛКСМ райкомын южо уполномоченныйже - шамыч комсомольский погынымашлаште ордыж гыч ончен шогышо ег гына лийыныт, нунылан поручитлыме пашалан ситышын ответственностьым огыт нумал.

Тидын нерген тыгай факт-шамыч раш ойлат: ВЛКСМ райком бюрон членже Нагорин йолташ „Б.-Вочканур“ колхоз пеленсе комсомольский организацийште погынымашым эртарен. Тиде погынымаште 9 комсомолец гыч 4 комсомолец велэ лийын. Пленумын решенийже нерген Нагорин йолташ докладым ыштен, но тудошке докладшытыже „Б.-Вочканур“ комсомольский организацийын ситыдымашыже нерген пеш шагал ойлен. Санденак комсомолец-шамыч выступатлен огытыл. Лумлан гына тыгай решенийым луктын: „комсомол обласной комитетын решенийжым сведенийыш налаш да тылзеш 3 политзанятийым эртараш. Моло первичный

комсомольский организаций-шамыч дене соцдогворым ышташ, несоюзный молодежь коклаште агитационный пашам эртараш“.

„Тумер“ ден „Памаш ял“ колхозлаше первичный комсомольский организацийлаштан погынымаш лумлан гына эртен. „Памаш ял“ организацийысе погынымаш воштылчыкан тыгай решенийым луктын: „IV пленумын решенийжым ылышыш пурташ. Садлан регулярне эртараш политучебым. „Б.-Вочканур“ первичный комсомольский организацийым соцтагасыш ужалаш“.

Тыге некультурный возымо общий решений-шамычым шуко ончыкташ лиеш ыле.

„Ушемнур“ первичный комсомольский организацийыште погынымашым теве кузе организоватленет: ВЛКСМ райкомын представительже Овчинников йолташ колхозыш толын да комитет секретарлан ойлеа: кызытак комсомолец-шамычым пого, попогынымашым эртарена.

Комсомолец-шамыч пожарыш ужын кондымыла пеш вашке погалтын. Погынымашым ямдылыме огыл улмаш. Погынымаш марте пленумын решенийжым комсомолец лудын огыл. Овчинников газетым налын да комсомолец-шамычлан решенийым лудын пуэн. „Ушемнур“ организацийын пашаже нерген ик мутымат пелештеа огыл. Санденак погынымашым лумко 7 пунктан решенийыштыже ВЛКСМ Маробком пленумын решенийжым ылышыш пуртымо нерген ик мутат ок ойлат.

Ме ятыр организаций-шамычым ончен лекна. Нунын решенийыштышт кружок составым утвердитлыме нерген, пропагандистым ойрымо нерген, программым могай срокышто шуктымо нерген, молат ик мутымат муаш ок лий.

Тенгече ВЛКСМ Маробком бюро У-Тор'ял районышто IV пленумын решенийжым реализоватлыме нерген райком секретарь Чегаев йолташын докладшым колышто. У Тор'ял районышто ВЛКСМ Маробком IV пленумын решенийжым изучатлымаш да тудым ылышыш пуртыман пеш начар кая манын Обком бюро ончыктыш.

У-Тор'ял райкомол секретарь Чегаев йолташ пленумын решенийжым реализоватлымаште чыла йонгылым торлаташ, пленумын решенийжым практический паша дене ылышыш пурташ, август-сентябрь тылзе жапыште комсомольский организацийым чыла вопрос денат ончыко лукташ мутым пуыш.

К. Ленский.



## НАТА БАБУШКИНА ЛҮМЕШ АЭРОКЛУБЫН ИЛЫШЫЖЕ ДА ПАШАЖЕ



Учет-шамыч самостоятельный чонештымаш деч ончыч. Сүретыште: Чурилина Катя ден Карташев Миша. Фото Чуршуковын.

## Первой чонештымем

28 июльшто мланем самолетым самостоятельне управляш разрешитлышт. Мый тидлан пеш куанышым. Кабиныш шинчым. Стартым пуышт, мый мланде гыч ойырлен күйкө кұзаш тунгалым. 100 метр кукшытышто первый разворотым ыштышым, приборым ончем: кукшыт 300 метр. Газым иземден машинам планироватлышым, 30 метр кукшытыш

волыш. Мланде лишне. Чыла расчелым сай шуктен самолетым мландыш шыадем, посадке сай лие.

Кызыт ынде мый высший пилотажыа чыла фигуржым самостоятельне ыштем.

Шукерте огыл мый первой гана самолет гыч парашют дене тёрштышым. Парашют дене II-й ступеньлан нормым сдатленам.

А. Булыгин.

## Парашют дене тёрштенам

Мый чонешташ тунемаш да парашют дене тёршташ изи годсекак шонем ыле. Мемнан куанымашан социализм элыште гына молодежын мечтаже шуктелтеш. 12 август—илышымте вигунам мондымо кече. Тиде кечын мый парашют дене 800 метр кукшыт гыч первой гана тёрштышым. Тиде кечынак II-шо ступень парашютный нормым сдатленам.

Мемнан молодежын парашют дене тёршташ кугу

желавийже уло. Молодежым парашютный спортыш шупшыш шогаш кұлеш.

Йошкар-Олаште парашютный вышкым шукертак ышташ тунгалме, но Осоавиахим Центральный Советын йордымō руководствыжлан кбра гына але марте йордын стритлен пытарыме огыл. Садлан яра гына шогат. Парашютный спортыш молодежь коклаш шарыман.

Учет-комсомолец—  
Романов И. С.

## УЧЛЕТ-ШАМЫЧ

(Очерк)

Тымык эрым пожалтен, Йошкар-Оласе Ната Бабушкина лүмеш аэроклуб ончычын автомашина тарвана. Машинан кузовшо учет-шамыч дене темын. Машина—аэродромыш кудалеш. Аэродром. 4 час эр. Самолет-шамыч ангара гыч лукталтыт. Нуным учет-шамыч сайын проверитлат. Ик мынар минут политинформаций. Информаций деч вара звена командир летный часть начальниклан машина-шамычын исправностьштыт нерген рапортоватла. Летчик-инструктор деч учет заданийм налеш. Самолет чонешташ ямде. Стартер ош флажым лупшалеш. Самолетышто учет газым пуэн, ик мынар мланде умбач кудалеш, вара южым шелын, писын күйкө, канде каваш кұза. Зонышто тудо инструктори заданийже почеш сложны пилотажым шукта.

Учет-шамыч 9 час марте чонештылытат, нуным машина Йошкар-Олашке—пашаш конда.

Паша деч вара нуно кечывалым 4 часлан адак аэродромыш чумыргат. Адак чонештылмаш, зона, пилотаж...

Аэродромышто учет-шамыч кажне кечын „Стартовка“ лүман газетым луктыт. Газетыште нуно шке летный опытыштым вашваш передаватлат. Тылеч посна кажне кечын газет гыч пүчкедыме „Что нового“ лүман листовко лектеш.

Таче ийгече мардежан ылат, учет-шамыч самостоятельне шагал чонештылыч, нунын пеленинструктор-шамыч лийыныт. Тевэ учет Кочнев аэродромыш пёртылеш. Тудын самолетышым номер дене палаш лиеш. Самолет эркын мланде дек лишемеш. Дежурный финишор учет Колесников

## Меат чонешташ тунгалына

Мый изи улмем годымак самолетын чонештымаш дене интересоватленам. Самолетын күйкө коштыжым ончен шогемат, шонем ыле: кунам гынат мый тыгай самолетым викараш тунгалам. Шоньмем шуо. Тений март тылзыште Йошкар-Ола Ната Бабушкина лүмеш аэроклубышто пилотлан тунемаш тунгалым. Тылеч посна мый Йошкар-Ола 6 №-ан школышто тунемам, тений 9 классым сай отметке дене тунем пытарышым.

Летный школышто тунем деч посна общественный пашаште участвоватлем. Садлан тений комсомол радамыш пуртышт.

Кызыт ме 16 август марте ик тылзылан каникулышто лийна. Но мый аэродромыш чонештыжым ончаш эре коштым. Пассажир олмеш самолет дене шукө гана чонештышым. Кум гана зонышто лийнаым. Высший пилотаж ыштымаштат лүдын омыл. Чонешташ пеш интересне. Пилотный теорийым тунем пытарен меат чонештылаш тунгалына.

3-шо наборын самырык учлетше—Чулков Виталий.



Сүретыште: Йошкар-Оласе Ната Бабушкина лүмеш аэроклубын инструктор ден учет-шамычышт. Первой рядыште учет-шамыч: Горинев М., Чурилина Е., Фролов В. Кокымшо рядыште: Ваников С. М., Селиванов Д. А., Блинов В. А., Лебедев А. И., Сысцов Б. В., Леванов И. В. Кумышо рядыште шогат: Молчанов (звена командир), Савкин (командир), Канкошев (летный часть начальник), Лепешин (инструктор), Анучин (инструктор).

Фото Чуршуковын.

„посадкым ышташ лиеш“ манын ош флажым рүза. Финиш... Машина шассиж (колесо) да шенгел кустыльже дене ик жапыште мландыш логалын, сайын волен шинчеш. Кочнев шыргыжеш. Посадке сай лийын. Тудо самолетым вашке гына старт лийыш конда, кабин гыч тёрштен стартовко площадыш—йолташыж-шамыч деке йывыртен ошкылеш.

Йодышташ тунгалыт: — Виразым кузрак ыштышыже? — Боевой разворотет кузе лекте? — Штопор? — Мый таче боевой разворотым кузе точно ышташ кұлым умлен налым,—



Сүретыште: Ната Бабушкина лүмеш аэроклубын самырык парашютистше-шамыч.

## Обязательствыштым сайын шуктат

Социалистический родины шемерже-шамыч коммунистический партий ден Сталин йолташын вуйлатымышт почеш, туняште первокласный авиацийым ыштеныт.

Мемнан Марийский республикын ончыл эргыже-шамыч Йошкар-Оласе Ната Бабушкина лүмеш аэроклубышто летный пашалан тунемит. Нуно Ленинско-Сталинский комсомолын 20 ий темме юбилейжылан летчик лийын лекташ обязательством налыныт. Кур-

сант-шамыч Карташев, Селиванов, Катаев Сысцов, Чурилина, молат тиде обязательством шукташ уловийшыштым пыштеныт. Инструктор-шамычым ямдылыме курсышто тунемше Анучин йолташ курсым досрочно тунем пытарен. Кызыт тудо летный подготовка дене шке тунукта. Авиаций кечылан курсант-шамыч кокла гыч 70 процентше парашют дене нормым сдатленыт.

1939 тунемме ийлан аэроклубын пилот ден техникым ямдылыме отделенийшыжыке тунемаш пурашлан йодмаш налалтеш. Аэроклубым сай курсант-шамыч дене комплектоватлымаште чыла комсомольский организаций-шамычлан кұлеш семын пижман. Кажне комсомольский организаций шке кокла гычше эн сай комсомольцым летный школыш тунемаш колтыжо да тудлан эреак полшен шогыжо.

Штаб начальник—  
И. [Письменов.

лан молан йонгылыш ыштылмыжым умландара.


Тевэ тулеч Головунина йолташ финишыш волыш. Таче тудо посадкым пеш сайын ыштыш.

Южышто пропеллер йук кече шичмек гына шыпла-на. Учет-шамыч кажне кечын утларак сайын чонешташ, күйкө, каваште сложный пилотажым ыштылаш, посадкым сайын ышташ тунемит.

Жап веселан, интересне эрта. Кече эртен кайымат шижаш ок лий. Учет-шамычын шоньмашышт—тунемаш, авиационный техникым шке кидыш налал! Вет Советский власть, Сталинский Конституций да личие Сталин йолташ молодежлан тунемаш кугу правам пуэныт. Кұлеш лиеш гын, учет шамыч учебный гыч боевой самолетыш шинчын, пеледше социалистический элыш сар дене керылташ тоштшо фашист-шамычым кыраш тунгалыт.

Мих. Смирнов.  
15 август. 1938 ий. Аэродром.





Шукерте огыл МОПР-ын 5-ше областной конференцияже эртен.  
Сүретыште: Шола гыч—президиумышто ЦК МОПР председатель А.Д. Александров ден орденоносец А. И. Беляев йолташмыт. Пурлаште—конференцийын общий видше.

## Удрамаш молодежь коклаште пашам огыт ыште

ВЛКСМ ЦК V-ше пленумжо ден ВЛКСМ Обкомын III-шо пленумжо удрамаш молодежь коклаште пашам виянгден колташ пеш раш ончыктеныт. Но южо комсомольский организаций тиде решенийым ылышыш пурташ пижын огытыл. Виян пашам "колхоз пеленсе комсомольский организацийыште (Ронго район) удрамаш гыч 2 ег велэ членлан шога. А колхозышто удрамаш молодежь шуко уло. Нунын коклаште ударница-шамычат шотлалтыт. Комсомольский организаций удрамаш молодежь дене погынымашым, беседым ик ганат эртарен огыл. Комсорг Лихачев йолташ нунын комсомол радамаш шушыш шога огешат шоналте.

Тиде организацийыште апрель тылзе гыч политзанятий лийын огыл. Пропандист Васильев политзанятийым эртарыме олмеш йуын гына коштеш.

Тиде организацийыште удрамаш молодежь ден пашам саямдыман. Тугак политзанятийымат эртараш тунгалман.

Казанцев С.

## КОМСОМОЛЫШ ПУРАТ

"Йошкар Арми" колхозышто (Ронго р-н) весоюзный молодежь ятыр. Кызыт нунын коклаште комсомолец-шамыч политик умылтарымаш пашам ыштат. Устав дене программаш тунгытат.

Кызыт весоюзный моло-

## Антирелигиозный кадр-шамыч ямдылымашым образцово организоватлаш

Антирелигиозный кадр-шамыч ямдылашлан МАССР ОНО Йошкар-Ола, Кырык-Мари, Звенига, Шернур районлаште заочно тунемше-шамычлан полшаш консультационный пункт-шамычым организоватла. Адак антирелигиозный кадр-шамычым ямдылыме 7 тылзаш курс организоватлалтеш.

Кырык-Мари ССВ райсовет председатель комсомолец Родайкин 1 сентябрьлан антирелигиозный учебным тунгалаш, тушто антирелигиозный пашан организаторжылан 30 комсомольцем тункытен лукташ мутым пуэн.

СВБ райсовет вуйлатыше да ВЛКСМ райком пашаен-шамычлан антирелигиозный кадр ямдылымашке уло вийым пыштен пижман. Тиде пашаште ВЛКСМ райком да комсомольский организаций-шамыч тун верым налын шо-гыман да антирелигиозный пашаш активный комсомолец-шамычым шупшман.

Казанцев Г. Г.

Волков Я. С.

## Колхозник-шамыч коклагыч интеллигенций нушкеш

Октябрьский революций деч ончыч пеш шагал ег тунемын кертын, нуныжат поян-шамычын шочышытгына тунемын. Теве Тошто-Тор'ял ялыште (У-Тор'ял район) поян Косоротов-шамычын шочышытгына школыш коштыныт. Йорло ден ик марда кресаньыкын икшывышлан тунемаш школ омса тукылмаште ыле. Тунемаш шоненыт гынат, логалын огыл.

У Сталинский Конституций тунемаш чылалан пеш кугу правам пуэн.

Кызыт ынде Тошто-Тор'ял огыл, тыште по ян "Ушемнур" колхоз шочын. Тиде колхоз гыч кызыт турло школлаште чылаже 48 ег тунемеш, ты шотгыч 4 егже институтлаште тунемеш. Тиде колхоз гычак 12 тункытышо, 1 ассистент, 1 лейтенант, 2 инженер, 20 служышо уло. Тиде чыла Октябрьский революций дене Сталинский Конституцийын саскаже.

Б. Герман.

## Футбол

### "Динамо" — "Спартак"

16 августышто Йошкар-Ола "Динамо" вуд стадионнын стадионеш "Динамо" кокымшо футбольный командж дене Кырык-Мари райцентрысе (Козмодьянск) "Спартак" футбольный команде модыч.

Модмашын результатше: 5:2 шот дене Йошкар-Ола "Динамо" кокымшо командже сенен.

Т. Минлигузин.

## СОВЕТСКИЙ АВИАЦИЙ

(Ег, цифр, факт-шамыч)

◆ 1923 жйыште мемнан элыште первой регулярный воздушный сообщенийым организоватлыме ыле. Тунам 400 километр кутышан ик воздушный лийн гына лийын. Кокымшо пятилеткын мучашыштыже союзный ден местный значени-ян воздушный сетын кужытшо шудб тужем километрым вончен. Авиационный сетын кужытшо дене Советский Союз туняште первой верым налын.

◆ 1923 ийыште СССР-ын воздушный транспортшо 300 пассажирым, 1,8 тонн почтым да 0,1 тонн грузым гына нангаен. 1937 ийыште самолет дене 211 тужем утла пассажирым, 9 тужем тонн утларак почтым да 37 миллион тонн наре грузым нангайыме. Грузым шупшыктымаште СССР капиталистический эл-шамычым эртен коден.

Ик элын территорияже гоч кайше, туняште эн кужу воздушный магистраль Москва — Хабаровск —

Владивосток 8.190 километр кужытан. Тиде лийн дене гражданский авиацийын самолетшо-шамыч регулярне коштыт. Тидын деч посна мемнан элыште кугу магистраль-шамыч эша ышталташлык: Москва—Баку—Тбилиси (3.020 километр кужытан); Москва—Ташкент—Фрунзе—Сталинабад; Москва—Алма-Ата; Москва—Симферополь да молат.

СССР-ын столицаже—Москва воздушный лийн дене чыла 11 союзный республикым, шуко автономный республик ден национальный округ-шамычым кылден шога.

◆ Советский авиацийын лозунгыш: умбаке, кужыч да чыла деч писын чонешташ. Тиде лозунг ылышыш пурен толеш. 1936-37 ийыште советский летчик-шамыч Международный авиационный федерацийын официальной таблицышкыже (ФАИ) 18 у международный рекорд-шамычым возеныт.

Коммерческий грузан самолет дене кужытыш кужымаште уло чыла рекорд-шамыч советский летчик-шамыч Коккинаки, Юмашев, Нюктиков, Липкин да молат сенен налыныт. Мемнан летчик-шамыч 1 тонн коммерческий груз дене 12695 метрыш, 5 тонн груз дене 8980 метрыш, 10 тонн груз дене 7032 метрыш, 13 тонн груз дене 4535 метрыш куженыт.

◆ Вияш корно дене умбаке чонештымаште тунямамбал рекордым Советский Союзын Геройышт летчик Громов, Юмашев, Данилин ыштеныт. 1937 ий июлышто вуно нигушак шичде Москва—Северный полюс—Америк Соединенный Штат маршрут дене 10.200 километрым утла 62 шагата 17 минутышто чонештеныт.

◆ 1936 ий 20-22 июлышто Советский Союз Геройшамыч Чкалов, Байдуков, Беляков Сталинский маршрут дене нигушак шичде Москва—Северный Ледовитый океан—Камчатка—Николзевск на Амуре—Чкалов островыш чонештеныт. 56 шагата 20 минут жапыште

нуно 9.374 километрым эртенет. 1937 ий 18—20 июнышто нунак нигушак шичде Москва—Северный полюс—Американский Соединенный Штатыш (10 тужем километрым 63 шагата 25 минут) чонештеныт.

◆ Совет Ушем Герой М. В. Водопьянов 1937 ий 21 майыште "СССР Н-170" самолетым Северный полюсын ийышкыже первой волтен шынден, тужакын Папанин, Кренкель, Ширшов да Федоров йолташ-шамычым ийын кодшо легендарный "Северный полюс" станциеш зимоватлаш коден.

◆ 1937 ийыште лейтенант Полина Осипенко гидросамолет дене кужычын чонештымаште кум удрамаш международный рекордым шынден.

◆ 1938 ий 27—28 июнышто летчик Владимир Коккинаки да штурман Александр Брянский "Москва" самолет дене нигушак шичде Москва—Хабаровск—Владивосток район маршрут дене чонештеныт. 24 шагата 36 минутышто 7.600 километр утла (кокла шот дене шагатыш-

те 307 километрым) эртенет.

1938 ий 2 июлышто героический летчица-шамыч Полина Осипенко, Вера Ломако да Марина Раскова гидросамолет дене Севастополь гыч Архангельскыш нигушак шичде 10 шагата 33 минутышто 2416 километр коклам (1 шагатыште кокла шот дене 228 километрым) чонештеныт.

Советский летчик-шамыч мемнан элын чыла шемерже йората. СССР, союзный ден автономный республик-шамычын Верховный Советлашке сайлымаште депутатлан шуко ончыл летчик-шамыч сайлалтыныт. Нунын коклаште Ляпидевский, Молоков, Водопьянов, Громов, Юмашев, Данилин, Чкалов, Байдуков, Коккинаки, Мазурук, полковник Копец, майор Черных, самолет конструктор Ивашкин, летчица Валентина Гризодубова да молат ятыр улыт.

Отв. редактор—

К. А. ЛЕНСКИЙ.